

中华历史文库

二十六史

新唐书

宋·欧阳修

中華歷史文庫

新唐書

第二部

宋 · 歐陽修、宋祁 著

卷第一百三 列傳第三十七

王韓蘇薛王柳馮蔣

王義方，泗州漣水人，客于魏。孤且寡，事母謹甚。淹究經術，性褻特，高自標樹。舉明經，詣京師，客有徒步疲於道者，自言：“父宦遠方，病且革，欲往省，困不能前。”義方哀之，解所乘馬以遺，不告姓名去，由是譽振一時。不肯造請貴勢，太宗使宰相聽其論。於是尚書外郎獨孤慙以儒顯，給事中許敬宗推慙確論，義方引逮百家異同，連拄慙，直出其上。左右爲慙不平，輒罷會。補晉王府參軍，直弘文館。魏征異之，欲妻以夫人之侄，辭不取。俄而征薨，乃娶。人問其然，曰：“初不附宰相，今感知己故也。”

素善張亮，亮抵罪，故貶吉安丞。道南海，舟師持酒脯請福，義方酌水誓曰：“有如忠獲戾，孝見尤，四維廓氛，千里安流。神之聽之，無作神羞。”是時盛夏，濤霧蒸湧，既祭，天雲開露。人壯其誠。吉安介蠻夷，梗悍不馴，義方召首領，稍選生徒，爲開陳經書，行釋奠禮，清歌吹葦，登降踞立，人人悅順。久之，徙洹水丞。而亮兄子皎自硃崖還，依義方。將死，諉妻子，願以屍歸葬，義方許之。以皎妻少，故與之誓於神，使奴負柩，輟馬載皎妻，身步從之。既葬皎原武，歸妻其家，而告亮墓乃去。遷雲陽丞。

顯慶元年，擢侍禦史，不再旬，會李義府縱大理囚婦淳於，

迫其丞畢正義縊死，無敢白其奸。義方自以興縣屬，不三時拜禦史，且疾當世附離匪人以欺朝廷，內決劾奏，意必得罪，即問計於母。母曰：“昔王母伏劍，成陵之誼。汝能盡忠，吾願之，死不恨。”義方即上言：“天子置公卿大夫士，欲水火相濟，鹽梅相成，不得獨是獨非也。昔堯失之四凶，漢高祖失之陳豨，光武失之逢萌，魏武失之張邈。彼聖傑之主，然皆失於前而得於後。今陛下撫萬邦而有之，蠻區夷落，罪無逃罰，況輦轂下奸臣肆虐乎？殺人滅口，此生殺之柄，不自主出，而下移佞臣，履霜堅冰，彌不可長。請下有司雜治正義死狀。”即具法冠對伏，叱義府下，跪讀所言。帝方安義府狡佞，恨義方以孤士觸宰相，貶萊州司戶參軍。歲終不復調，往客昌樂，聚徒教授。母喪，隱居不出。卒，年五十五。

義方爲禦史時，買第，後數日，愛廷中樹，複召主人曰：“此佳樹，得無欠償乎？”又予之錢。其廉不貪類此。始，魏征愛其材也，每恨太直，後卒以疾惡不容于時。既死，門人員半千、何彥先行喪，蒔松柏塚側，三年乃去。

彥先，齊州全節人。武後時，位天官侍郎。

員半千，字榮期，齊州全節人。其先本彭城劉氏，十世祖凝之，事宋，起部郎，及齊受禪，奔元魏，以忠烈自比伍員，因賜姓員，終鎮西將軍、平涼郡公。

半千始名余慶，生而孤，爲從父鞠愛，鸚草通書史。客晉州，州舉童子，房玄齡異之，對詔高第，已能講《易》、《老子》。長與何彥先同事王義方，以邁秀見賞。義方常曰：“五百歲一賢者生，子宜當之。”因改今名。凡舉八科，皆中。鹹亨中，上書自陳：“臣家貲不滿千錢，有田三十畝，粟五十石。聞陛下封神嶽，舉豪英，故鬻錢走京師。朝廷九品無葭蓂親，行年三十，懷志潔操，未蒙一官，不能陳力歸報天子。陛下何惜玉

陛方寸地，不使臣披露肝膽乎？得天下英才五千，與權所長，有一居先，臣當伏死都市。”書奏，不報。

調武陟尉，歲旱，勸令殷子良發粟振民，不從。及子良謁州，半千悉發之，下賴以濟。刺史大怒，囚半千於獄。會薛元超持節度河，讓太守曰：“君有民不能恤，使惠出一尉，尚可罪邪？”釋之。俄舉岳牧，高宗禦武成殿，問：“兵家有三陣，何謂邪？”衆未對，半千進曰：“臣聞古者星宿孤虛，天陣也；山川向背，地陣也；偏伍彌縫，人陣也。臣謂不然。夫師以義出，沛若時雨，得天之時，爲天陣；足食約費，且耕且戰，得地之利，爲地陣；舉三軍士如子弟從父兄，得人之和，爲人陣。舍是，則何以戰？”帝曰：“善。”既對策，擢高第。

歷華原、武功尉。厭卑劇，求爲左衛胄曹參軍。使吐蕃，將行，武後曰：“久聞爾名，謂爲古人，乃在朝邪！境外事不足行，宜留侍制。”即詔入閣供奉。遷司賓寺主簿。稍與丘悅、王劇、石抱忠同爲弘文館直學士，又與路敬淳分日待制顯福門下。擢累正諫大夫，兼右控鶴內供奉。半千以控鶴在古無有，而授任者皆浮狹少年，非朝廷德選，請罷之，忤旨，下遷水部郎中。會詔擇牧守，除棣州刺史。複入弘文館爲學士。武三思用事，以賢見忌，出豪、蘄二州刺史。半千不專任吏，常以文雅粉澤，故所至禮化大行。睿宗初，召爲太子右諭德，仍學士職。累封平原郡公。表乞骸骨，有詔聽朝朔望。

半千事五君，有清白節，年老不衰，樂山水自放。開元九年，遊堯山、沮水間，愛其地，遂定居。卒，年九十四，即葬焉。吏民哭野中。

抱忠，長安人。名屬文。初置右台，自清道率府長史爲殿中侍禦史，進檢校天官郎中，與侍郎劉奇、張詢古共領選，寡廉潔，而奇號清平，二人坐綦連耀伏誅。

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

【更多】 >> <https://www.fozhu920.com/list/>